

## **Pason do Paska 2021 mantad di Bishop Cornelius Piong**

I Jesus poimpasi om poingamung dotokou

NOKOTUNGAG i Tuhan Jesus, baino poimpasi om poingamung dotokou gisom sohiihinaid (Mat 28:20). Sohinaid dii timpu' poguhu Paska minaganu tokou do kosivatan do tumanud om kuminam dii koundunan ngaavi' navazaan om noimaan di Jesus, ii touvi nopo nga' minogovit Disido doid kapapakan id salip om kinapatazon, nga' nokotungag om poimpasi. Ii pihii' om kogompitan dotokou do minaganu do timpu' sumambayang, mogkuasa' om monohuod sabaagi lahan do inuhi' dotokou do oupus di Tuhan om songovian mogovit nodaa dotokou do momiumon do kounsikaan Paska.

Timpu' ooguhu Paska, nung mininggisom tokou do tumanud, ingkuukuo po nga' mogovit dotokou do tumanud diti kalamazan Paska miampai kumama' kozo om papatantu' do kalaalahano' do pamaamasi om pogiigizon dotokou sabaagi tutumanud toi mokiki'ia' ngaavi' di Jesus. Ingkuo tokou do monguhud do koposizon dotokou id kalaalahano' posondii', kopionitan dotokou miampai di Tuhan, kopionitan miampai songovian om kopooposizo' tinoodo di Tuhan, ounsuban i' mai' do sunduvan do Paska, ii i Jesus poimpasi om miampai dotokou. Zotokou, tuhun ngaavi' di Kinoingan, ii kikoposizon ii ounsuban do sunduvan do Paska, ingkuo po nga' pionsanganu tokou do kointutunan ii unsikoon dotokou miaga dii Tuhun-ngaavi' di Kinoingan, id dii timpu' dii Apostol ngaavi'. Izioho' nopo nga' minogiigizon songovian do "oizo ginavo om pomusaavan om minanaak do kosasian kokomoi do nokotungag i Jesus Kristus, (KPR 2:42-47; 4:32-33).

Sunduvan kalamazan do Paska, apatut lamazon dotokou do id koposizon toi pogiigizon dotokou tikid tatau, tu' i Jesus ii nokotungag mantad poimpatai, poimpasi om poingamung dotokou. Isido no ii ontodonon-asil, ii sabap om padaamaan do koposizon dotokou. Zotokou, tutumanud ngaavi' Disido apatut do popoungkap do kounsikaan Paska do:

Mamanau songovian id Jesus Kristus,

Ouhi do sumambayang, Mimoso'/momoguno do Boos di Tuhan

Mamalamai do Sakramintum ngaavi'

Mamaamasi/mogiigizon id-komuniti

Minggisom doid pibabasan, inuhi' om mogiupus-upus, om

Minggisom id pihumaagan kopooposizon/pogiigizon tinoodo di Tuhan.

Miampai kahansanan do i Jesus poimpasi om poingamung dotokou, kaanu tokou mai' do sumasi' montok Disido tomoimo do id nunu noopo o koozuvan. Miaga do nunu ii opiumanan dotokou do id timpu' pandemic covid-19, pointantu' no do mimang tokou do kahansanan doid kosian di Tuhan. Zotokou, tutumanud ngaavi' di Tuhan,

ingkuo po nga' ahansan do i Tuhan Jesus noundoso, napatai om nokotungag montok manampasi do saviavi' tuhun. Iti no, do nadadi do tuddu dotokou, mooi do tomoimo minggisom doid piobpinaizan do tinaau' ngaavi' sundung do mogisuusuvai koubasanan om kotumbazaan-ugama, miaga diho' pinggisoman di Pope Francis (Fratelli Tuti).

Oi tobpinai ngaavi', poposoou dotokou i Pope Paul, "nung au' tinungag i Kristus mantad kapatazon, nga' aiso i' lati'dii abal paabalon dagai om dii kotumbazaan diozu doid di Kristus" (1 Kor 15:14).

Kainou no maganu diti kosivatan id diti Kalamazan Paska, do montok popogiot do pisompuuvan, inuhi om binitua do kopolosizon om pogigizon dotokou miampai di Tuhan Jesus ii notungag om poimpasi, mooi do tomoimo ahansan doid dimpton do kopolosizon dotokou do id tumanud di Jesus, tu' Isido no ii Lahan, Katapatan om Kopolosizon" (Jn 14:6).

Kopivosian Tadau Tagazo Paska.

**Bishop Datuk Cornelius Piong**

**Diocese of Keningau**